

Ka kaiphot Lyngkot halor ka jingleit jngoh Kyrpang ia ka jaka jngohkai ka Janailar

Ba la pynbeit da ka Khasi Department

Ka jingleit jngoh ia ka Janailar ha ka 20 tarik Nohprah 2021, kaba don ha ka Thaiñ Mawkma da ka khasi Department hapoh ka jingialam jong baroh ki nonghikai ka khasi Department ka la long kaba sngewtynnad haduh katta katta. La ialeit da ki ar tylli ki Bus bad baroh ki Khyannah Honours Khasi kynthup naduh ki Khyannah BA Ist, Third, bad Fourth Semester.

La iamih na College ha ka por 7.00 baje mynstep. Ka jingleit ka long kaba sngewtynnad bad kaba pynkmen ia ki khyannah. Ngi la iapoi ha ka por 10:45 baje mynstep ha katei ka shnong.

Ki Nonghikai kiba ialeit lang ki don san ngut.

1. Miss (Dr) A. Nongbri
2. Sir. S. Kharrymba
3. Sir P.R Shabong
4. Miss B. Syiemlieh
5. Miss B. Nongkynrih

Ha ka jingshem jong ngi kane ka shnong ka long kaba itynnat haduh katta katta, ka daw ka long namar ka jingdon jong ka jaka jngi ba la pynlong kyrpang da ka mei mariang, kane ka jaka jngi ka long kaba sngur khilir khilir bad itynnat eh. Ki briew na kylleng pyrthei ki la iawan ha kato ka sngi. Ngi la iapynlut por baroh shi sngi ha kaba shang kai sharum shaneng lynter jong ka wah.

Nangta ki don ruh ki rud wah baitynnat kiba khring ia ki nongjngoh kai bad ka pynbor ia ki ba kin shong jah thait ha kajuh ka por ban phriang ia la ki ja song na la ki jong kip la. Ka long kaei kaei kaba ktik ia ki jingmut jingpyrkhat ban ioh bam ja harud jong ka wah kaba tuid sngur khilir khilir.

Haba la poi ka por 11:00 mynstep haba la pyrhut bha ka kpoh, ngi la iaphriang diar la ki ja song. Haden kata ngi la iakrih kai biang sha kiwei pat ki jaka lum bad ki marjan jong ka. Katno ki khyannah jong ngi ki la iasngew shongshit ha kata ka sngi, imat lada ki nonghikai kim khot kim kynmaw leit phai iing.

La iakhreh leit phai noh ha ka por 4:00 janmiet bad poi sha kolej ha ka por 7:40 mynmiet. Katkum ka jingshem jong ngi, kane ka shnong ka donkam shibun ki lad jingiarap na ki bor sorkar lyngba ka Tourism Department. Ki jaka sah bad ki jaka bam ki dang duna, nangta ki jait jingialehkai kum ki water polo kim pat don bad bun kiwei pat ki jait. Lah ban ong ba ka jingkhuid jong ka wah kum kane lehse kham niar ban shem ha kiwei pat ki jaka ka pyrthei. Namar kata la sngew dei ban kyntu ia ki nongshong shnong ba kin pynneh pynsah ia ka jngkhuid khnang ba ka burom bad ka nam jong ka shnong kan iai im.